

Clubfëschchen vum Flyfishing Club aus Lëtzebuerg



am Heischenter Grond op der Uewersauer

Haut Samschdes den 22 September 2012 huet déi éischten Manche vum Clubfëschchen vum Flyfishing Club aus Lëtzebuerg, op der Uewersauer am Heischentergrond stattfund. Et haten sech 14 Méckenfëschcher anfond fir sech beim alljärelechen Clubfëschchen un eneen ze moossen. Natirlech besteet och dëst Joër eist Championnat aus énger Manche am Fléissgewässer an énger Manche am Stëllgewässer um Séi zu Rabais.



Et haten sech also éng 14 Memberen virum Hotel Bissen getraff fir sech op den Weë op den Parcours ze maachen. Natirlech ass fir unzufänken eemol ee bëssen geschnësst gin ewell schlisslech haten mir eis ee puer Méint net méi gesin ewell direkt no der Summerpaus déi geplangten Sortie op den Séi vum Freux bei Libramont, wéinst den ze waarmen Temperaturen, spréchwierdelech an d'Waasser gefall wor. Esou haten mir eis vill ze verzielen zemols ewou dach Jidvereen

awer vill gefëschcht hat an esou natirlech och huet missen Bericht ofleën, an iwwerhaapt ganz ouni Fëscherlatäin leeft éng Sortie vum Flyfishing Club jo awer nie of.




Duerno wor et dun um lousen vun den Stänn, Jidvereen huet missen een Lous zéien fir dass den Ofllaaf vun den eenzelen Manchen konnt festgeluecht gën. Ewei et heibäi zougeet soll déi zwou nächsten Fotoën verdäitlechen, esou een Clubfëschchen ass jo schlisslech keen Zocker schlécken.



Nodeems mir dun Alleguer mat méi oder wéineger schlëmmen Blessuren, gezwongener Moossen eis Plaz fond haten, konnt et dun endlech las goën.

Et ass an dräi Manchen zu jee énger Stonn gefëschcht gin ewoubäi mir der teschent awer och éng kléng Paus gemeet hun fir eis ee bëssen ze stäerken. Mir haten et mam Wieder ganz gudd erwëscht, wor et Mueres nach zimlech niwweleg, esou huet am Laaf vum Dag d'Sonn sech awer gewisen an och vun den Temperaturen hir wor et een schéinen Hierschtdag. Ewell et schon éng gewëssen Zäit net méi gereent hat wor net vill Waasser an der Uewersauer, wat eis d'Saach net erliichtert huet. Et ass dofir och net besonnesch vill gefaangen gin ewoubäi natirlech déi richtég gudd Fëschchen ënnert eis awer um Enn erëm hir Fësch gefaangen haten. Allgeméng sin awer och erëm vill Fësch gefaangen gin déi d'Mooss net haten an duerfir och net konnt gezielte gin, dat huet esou munnecher Een zur Verzweiflung gedriwwen mee natirlech fënd eis Clubfëschchen no gewëssen Regeln statt un déi Jidvereen sech halen muss an et soll och Keen méngen dass et hei um néidegen Fëscht géif feelen ewell och wann mir Alleguer Kolleegen sín esou ass den sportlechen Eiergäiz dach bei Jidveréngem ganz grouss geschriwwen an et ass Keen dobäi deen net um Enn wëll Clubmeeschter sín. Déi meeschten Forellen sín mat drechenen Mécken oder kléngen Nymphen gefaangen gin, do ewou awer d'Waasser plazeweis méi déif wor, ass och den gudden aalen Woolly Bugger zum Ansatz komm an dat net mat wéineg Erfolleg.



An der Mëttesstonn hatten mir eis am Hotel Bissen anfond fir d'Mëttegiessen. d'lessen wor ewei ëmmer formidabel an mir hun eis och net laang fléiwen geloos fir eran ze féieren an erréicht nodeems déi leschten Schossel eidel an deen leschten

Dessert opgiess wor, hun mir eis dun no der obligatorescher Taas Kaffi, erëm gudd gestärkt op den Weë bei d'Waasser gemeet fir déi ofschléissend Manche aus ze fëschen.



Déi beschten Kaarten,eeh ! natirlech Mécken, hat Haut den Gilson Mich deen och d'Klassement virun der zweeter Manche unféiert. Ganz knapps hannert Him kouw den Pierrot Dan op déi zweeten Plaz an den Jung Änder huet den häitegen Podium komplett gemeet. Mée och all déi anner Fëscher hun hirt Bescht gin an esou steet elo éng interessant zweet Manche um Séi zu Rabais un. Och wann den Mich, den Dan an den Änder Haut ee bëssen erausgestach hun, esou ass dach nach guer näischt entscheed an et steet domader éng spannend Manche an d'Haus ewoubäi déi Fëscher déi Haut op den Podium komm sin, confirméieren mussen falls Sie wëllen Clubchampion gin. Mir freën eis dofir schon op den 20. Oktober ewou zu Rabais gefëscht gët an hoffen et deen Dag genee esou gudd mam Wieder ze erwëschen ewei dat och Haut den Fall wor an dann dierft éngem interessanten Match näischt méi am Weë stoën.

Klassement vom Clubfischen vom Flyfishing Club aus Lëtzebuerg:

1.	Mich Gilson	376	Punkten
2.	Dan Pierrot	327	Punkten
3.	Änder Jung	302	Punkten
4.	Andy Schrank	179	Punkten
5.	Jang Ehr	162	Punkten
6.	Raymond Thoma	91	Punkten
7.	Yvon Erpelding	89	Punkten
8.	Holger Hansen	87	Punkten
8.	Dan Muno	87	Punkten
10.	Roland Ries	86	Punkten
11.	Luss Dilk	84	Punkten
12.	Jemp Hoffmann	45	Punkten
12.	Marc Dumont	45	Punkten
12.	Jean – Marie Nicolas	45	Punkten